



*Jumat, 21 Mei 2021*

**Ogen: Epesus 4:2**



**Lemah lembut dengen saber**



Situhuna seh kal buena biak-biak/ sikap nggeluh si iarapken Dibata guna idalanken kita bas kegeluhenta enda. Ibas kitab-kitab pengajaren bas Padan si Ndekah, ibas Injil bagepe surat-surat pastoral ibas Padan si Mbaru. Sendah enda iarapken man banta guna nerapken 4 hal penting si idalanken kita selaku moria, eme:

*Meteruk ukur*, eme sikap nandai dingen erpengakap maka dirina labo kai pe ilebe-lebe Dibata. Hubungan ras Dibata tetap ipekena-kena. Ibereken Tuhan kengasupen guna nergai sapih manusia, sipehagaken pekepar, alu erpengakap maka dirina seri ras sidebanna. La erdobahen kalak sideban ibas pengidahna, bayak-musil, pentar ntah lang, erpangkat ntah lang, meherga ras keleng atena

*Lemah lembut*, biak si la mesunah merawa, ngasup ngamper bana, la minter emosi ibas situasi si man hadapen dikune la bagi ukur, sekali pe la bagi sura-surana. Ngerana alu medate dingen dem keleng ate, bicara ibas ngajarken pe, seh maka ibegiken kel rananna.

*Saber*, Ibas ukurna dem pengarapen, eme jiwa kalak si saber. Tek ia bas kai-kai pe lit nge simehulina. Jadi ia tetap nimai Dibata mereken simehulina ibas kegeluhenna. Seh pe labo arapkenna bas manusia nari

*La mesunah megelut*, kai pe nina kalak, la jadi ukurena sebab ieteh maka si benar nge idalankenna. Ibahan kalak pe si la payo bana la jadi ukurena. Erbage kepe kal carana rukur, janah iusahakenna ngidah ras natap kai pe aras cara pandang kalak sideban, kalak si bage teneng geluhna.

Janah si e kerina ngasup kita ndalankenca selaku moria, adina lit kekelengen ibas Dibata nari ibas pusuh ukurta. Sebab biak-biak e enggo lebe ibereken Kristus usihen.



Blank writing area with a light blue background and a wavy top edge.